




392901
392926

St. Or.




2527 III. 5. 7



Ex-Libris
PODHORCE

AORY GRP





392901

392926

Mag. St. Dr. III

1041





CENOTAPHIA

Funeri

CELSISSIMI S. R. I. PRINCIPIS

ILLUSTRISSIMI DOMINI,

D. STANISLAI HERACLII

LUBOMIRSKI

Supremi Regni Mareschalci,

INSCRIPTA. 392905

&

CELSISSIMO ac ILLUSTRISSIMO DOMINO,

D. THEODORO

LUBOMIRSKI

CAPITANEO SCEPUSIENSI

Meritissimo & mærenti tanti Patris
Filio,

Ab obligato Varsaviensi Scholarum Piarum Collegio

P O R R E C T A.

Anno Nati Dei Hominis

1702.



*Ita optimum quemq̃ niti & contendere decet, ut post se quoq̃
Reipublicæ profit, moderationis scilicet justitiæq̃ monumentis.*

Plin. paneg. Trajani.

*Virtutes id agunt, ut non in unam ætatem profint, sed benefi-
cia sua etiam post ipsos relinquunt.* Sen. l. 4. c. 30. de Benefic.

*Hoc debemus virtutibus, ut non præsentibus solum illas, sed
etiam ablatas è conspectu, colamus.* Idem ibid.

*Quidquid ex Agricola amavimus, quidquid admirati sumus,
manet, mansurumq̃ est in animis hominũ, in æternitate temporum,
fama rerum. Nam multos veterũ obliuio velut inglorios & igno-
biles obruet, Agricola posteritati narratus & traditus superstes erit.*

Tacit. in vita Agricolæ.

*Non raptim relinquetur magnus vir, & cũ cura dicendus. Da-
bimus te in omnem memoriam clarissimum caput.* Sen. c. 14.
de Tranquil. animi.

*Ad nos quidem nihil pertinebit posterorum sermo; tamen
etiam non sentientes colet, & frequentabit.* Sen. epist. 29.

*Non judicabam me, cùm amicos superstites relinquerem, mo-
ri; putabam inquam me victurum, non cum illis, sed per illos.*
Sen. epist. 70.

*Ad excelsa sublatus inter felices currit animas, excipitq̃ illum
cætus sacer, Scipiones, Catonesq̃.* Sen. c. 25. ad Marciam.

*Nunquam magnis ingenijs cara in corpore mora est, exire atq̃
erumpere gestiunt, ægrè has angustias ferunt; vagi per omne sub-
lime, & ex alto assueti humana despiciere.* Sen. c. 23. ad Mar.

Hanc mortem fati magni præferre Catonis

Fama potest. - - - - - Martial. l. 4. epigram.



JLLUSTRISIME DOMINE.

L Atrocinio mortis ereptum tibi Pa-
rentem tuum, Patriæ Patrem,
nobis tutelare nomen, vindicamus,
& tibi restituimus; si tamen aliquid meruisse
videbimur, cum omnia in Tua Domo, &
apud Te reperimus. JLLUSTRISIME
DOMINE. Perierat quidem, sed inven-
tus est, mortuus erat, & revixit; postquam in
tuos mores se impressit. Pulcherrimam sanè
ba-

*habes normam & exemplar vitæ, ex quo tuâ
formaturus es; ubi certiore supra fidem vete-
rum metempsychosi grandis magni Parentis
Tui anima in te immigravit; ut te vivente, illū
mori potuisse incredibile sit. Felix es LV-
BOMIRSCIA Domus, dum pro Patribus
tuis, & Patriæ, & tibi nascuntur filij, in qui-
bus omnes Antenati reviviscunt, imò nec mo-
riuntur, nihilq; damni mors tibi adferre so-
let, nisi quòd sola nomina Heroum & Heroi-
dum mutet. Vnde ILLUSTRIS-
SIME DOMINE nihil hîc tam de togatis, quàm
de armatis laudibus Avorum & Patris tui
loquimur, quia tanquam præterita, & tibi
ignota narraremus, cum tamen omnia tibi
præsentia & domestica sciamus. Tua enim
hæc tota supellex, gloria est; Tu natus es ad
omnia hæc gerenda, nos non nisi ad in histo-
riam regerenda obligati.*

Illustrissimæ Dominationis Vestræ

æternū devotissimum

Collegium Varfaviense

Scholarum Piarum.

D. O. M.

Viator !

Miraculum, non tumultum vides.

Hic jacet

Magnum illud Virorum, Hominum, Ætatum

Prodigium,

STANISLAUS HERACLIVS

LUBOMIRSKI,

MARESCHALCVS in Regno,

Vir in Consilio, Prudentia, Sapientia,

Animi Magnitudine

SVPREMVVS.

Vitam, quam in honorem virtutis accepit,

DEO per fidem sanctè,

Regibus per obsequium candidè,

Patriæ per merita illibatè,

Domui per famam gloriosè

reddidit.

Oraculum, si dixit; Miraculum, si scripsit;
utrumque, si suasit.

*Mercurius Poloniæ, Apollo Europæ,
Magnus Orbis Salomon.*

Sex annorum decades vixit,

gloriæ & sibi satis, non suis.

Mensium apertor Januarius

clausit vitam mortuo,

Die 17, Magno Mareschalco ultimâ.

D. O. M.

Cineres,

in quibus Phœnix Hominum extinctus jacet,

STANISLAUS HERACLIVS

LUBOMIRSKI

Supremus Regni Mareschalcus.

V I R

Vel sub sole unus, vel sol omnium.

Qui illum non vidit, nihil vidit,
quia

Omnia in uno non vidit.

Mortem suam fecit vivendi palæstram,

Vitam, historiam

*Prudentiæ, Magnanimitatis, Constantiæ, Doctrinæ,
Fortitudinis, Pietatis, Iustitiæ, Consilij.*

In tranquillis cautus, in difficilibus arduus,
in subitis promptus, in gravibus maturus,
in humanis divinus.

Solitudinis & sequestri amans,
totum orbem in se, se in recessu clausit;
Nunquam magis bono publico prodesse visus,
quàm dum latet.

*Regibus præcessit Scipione,
Civibus zelo, Populis exemplo,
Probis virtute, Optimis bonitate.*

Immortalium operum anhelitu plenus,
exhalavit animam mortalis;

*nec laudari desiit,
sed vivere.*

D. O. M.

Sta Viator !

Hic cecidit viæ regiae Anteambulo,

STANISLAUS HERACLIVS

LUBOMIRSKI

Supremus Regni Mareschalcus.

Sæculis omnibus ,

Elapso , Miraculum ; Currenti , Oraculum ;

Futuro , Exemplum.

Virtute , gestis , gloriâ ,

T E R M A G N V S.

Sapiens sine vanitate , Gravis sine elatione ,
Affabilis sine pavore , Familiaris cum majestate.

S E N A T O R ,

quo prudentiorem non habebit Curia.

C I V I S ,

quo digniorem non videbit Regnum.

H O M O ,

quo perfectiorem non formabit virtus & natura.

Ut prolixius mereretur de Patria , togam tulit ;
ut firmius , Scipionem.

*Triumphalior Honoris Baculo , quàm Martis gladio ,
auream prudentiam ferro prætulit ;*

Pacificus , Doctus , Facundus.

Vitam , quam Theatrum gloriæ fecerat ,
Mortis scenâ conclusit.

Martis die pacem ingressus perpetuam.

D. O. M.

Suspira Viator !

*& anhelitu gemebundo depelle mortis pulveres ,
ut faciliùs legas characterem mortui.*

STANISLAUS HERACLIVS
LUBOMIRSKI

Supremus Regni Mareschalcus

Hic cecidit.

Qui à stando rem & nomen derivans ,
quoad vixit , pro Patria stetit ;

*Opibus liberaliter , viribus fortiter ,
Consilio prudenter.*

Numa Sarmaticus , si pietatem spectas ,
Fabius , si consilium ; Cato , si prudentiam ,
Nerva , si bonitatem ; Cæsar , si gloriam ;
Omnia , si LVBOMIRSCIVM.

Præcessit ad ea unus ,
quæ omnibus sequi sudor est , honor non assequi.
Præmisit ea , quæ nostrum sæculum prodigia ,
Futurum mirabitur portenta.

P R I N C E P S

*Supra Magnos Celsissimus ,
Supra Præclaros Illustrissimus ,
Supra Bonos Optimus.*

Finivit diem non gloriam.
*Scipio Lechicus ad hoc confractus
Saxum.*

D. O. M.

D. O. M.

Deposito

Magni Sapientiae Thesauri;
quem avara mors terræ infodit,
& sub hoc abscondit marmore.

Perijt

Ex Regum Corona Vnio,
Ex Thesauro Libertatis Gemma,
Ex Regno Sapientiae caput, aurum optimum,

STANISLAUS HERACLIVS
LVBOMIRSKI

Supremus Poloniarum Marefchalcus.

Vitam suam Gymnasium fecit,
in quo discebat quotidie

Virum bonum, Civem utilem,
Senatorem prudentem agere.

Semper negotiosus, semel otiosus,
Dum hic decumbit.

*Omnes scientias perfectas habuit, quod divinum;
Practicas, quod non humanum; continuas, quod utrumq̃.
Theologus, Astronomus, Geographus, Chronologus,
Polemicus, Philosophus, Orator, Historicus, Vates,
Omnia.*

Sed difficillimam bonæ mortis scientiam arbitratus,
hanc maximè in vita didicit,

Prudenter, Sanctè, Gloriosè,
mortuus.

D. O. M.

Vnus hic Sarcophagus
Multorum Heroum claudit funera.

STANISLAUS HERACLIVS
LUBOMIRSKI

Supremus Regni Mareschalcus
*Omnium in se gloriam animavit vivus,
Omnium extinxit mortuus.*

Divinitate Plato, Humanitate Trajanus,
Justitiâ Solon, Doctrinâ Salomon.

Magnorû Ducum & Sapiëntium Collega,
quos in se vivendo expressit,
suo cadavere moriendo oppressit.
Semel mortuus, semper dolendus.

Tot mortes subiit,
quot heroicis animabus vixit.

Prudens, Sapiens, Simplex,
Candidus, Rectus, Veridicus.

*Ætatem Regum usu,
Deorum obsequio,
Populi emolumentis attritam,
Annis aridam, viridem in Consilio habuit.*

*Inter Stoicos Ethicè,
inter Lælios Politicè,
inter Christianos Orthodoxè
inter mortuos immortaliter
Spiravit, Exspiravit.*

D. O. M.

Lachrymas hospes !

Sede, & plora super Flumina.

Arescit cum Avito SRENIAVA

Oceanus Gloriæ

STANISLAUS HERACLIVS

LUBOMIRSKI

Supremus Regni MARESCHALCVS.

V I R

DEO fidelis, Regibus fidus,
Patriæ utilis, Amicis jucundus,
Domui decorus, Omnibus totus,
Sibi nullus.

Delphum in illo & Tripodem amisit Polonia,
si oracula veneraris.

Capitolium & Pantheon, si virtutes adoras.

Prætorium & Curiam, si consilia stupes.

Angelus Magni Consilij in carne,

ita suavit, ut nemo corrigeret;

ita sanxit, ut omnibus sanctum,

sanum, salubre videretur.

In periculosis cautus,

in arduis prudens,

in magnis summus.

Vt omnia pro bono publico egisset,

egit & animam,

terræ ablatus, Cælo redditus.

D. O. M.

Loquere !

Facunde Orator ; vive dolor !
dum tacent mortis silentia.

STANISLAUS HERACLIVS
LUBOMIRSKI

Supremus Regni Mareschalcus ,
per quem loquebantur Reges ,
æternum conticuit.

Poloniæ Tullius , Europæ Plato ,
Orbis Oraculum.

Græca & Latina majestas ,
utraq; Coronam cedit LVBOMIRIO ,
Demostheni , & Arpinati Lechico.

Ambæ insuaves , cum dulcius diceret ;
Frigidæ , cum ardentius ; asperæ , si mollius ;
nullæ , si singularius.

A Regibus favorem , pro Regibus zelum ,
Regibus veritatem dixit ,
gratiosè , gloriosè , animosè.

Nudâ rectitudine comptus , & sine adulatione gratus.

Heu !

quomodo facundus ille animorum motor
immutus obmutuit ?

Et quod antea divinè loquendo ponebat in Cœlo ,
nunc posuit os suum in pulvere !

Cessavit dicere per mortem , non dici per
immortalitatem.

D. O. M.

D. O. M.

Viator ! quid quæris in hoc pulvere ?

STANISLAUS HERACLIVS
LUBOMIRIVS

fui,

jam sum umbra, & cinis frigidus.

Mors extingvit Illustrissimos,
æquat Celsissimos, obscurat Serenissimos.

Si Genus intueris ?

è Magno FLUMINE SRENIIVIORVM descēdi.

Si Honorem ?

Supremum Regni Scipionem prætuli.

Si Vitam ?

hanc Fortitudine, Justitiâ, Pietate, Prudentiâ,
Doctrinâ, Boni publici amore, ornavi.

Si mortem ?

istius vulnus excepi

*quomodo solent sapientes, fortiter ;
quomodo debent fortes, hilariter.*

Quòd mortuus sim, fati crimen est ;
Quòd talis mortuus, virtus vitæ.

Vide ne me ploraveris

qui huc venisti cum lachrymis !

Non obij,

sed ad felicitatem immortalitatis abij.

Scopulum mortem putas ;
portus est aliquando petendus.

D. O. M.

Tumulus

Morti in honorem, vitæ in memoriam,
Familiæ in luctû, Regno in monumētum,

TIBI VIATOR

in adorationem, orationem, rationem.

STANISLAUS HERACLIVS

LVBOMIRIUS

hîc cecidit !

Casu, quo solent omnia, ruinâ, mortis.

V I R

In veritate candidus, in varietate nullus,
in virtute omnis.

Boni publici insatiabilem cupiditatem habuit;
in hoc uno avarus.

Magnitudinem honoris contempsit;
in hoc solo superbus.

Lassatam senio & titulis vitam posuit;
in hoc tantum mortalis.

*Eodem Scipione, & viam monstravit,
& cursum gloriæ ostendit Regibus.*

Cœlo animam sanctè, terræ corpus Christianè,
Patriæ merita perfectè, Domui gloriam splendidè,
Famam æternitati copiosè restituit.

*Cum diutiùs in arena meritorum,
quàm vita sletisset,
tandem cecidit.*

D. O. M.

Heu !

*quàm contraria vitæ, mortis dominia !
ex Vmbra hac Illustrissima metire*

V I A T O R.

Statores cadunt, Lucij tenebrescunt,
parvi Maximi, viles Pompeij.

Quidam tardius obeunt,
multi citius, nunquam nullus.

Omnibus

una diverse instat Lachesis.

STANISLAUS HERACLIVS
LUBOMIRSKI

Titulo Dignitatis

MARESCHALCVS Supremus,

debito mortalitatis

cinis terræ infimus,

Magnitudinem suam

parvo hoc compendio coarctavit.

Lege tam difficilia antitheta,
qui spectator advenis.

&

sive discis vitam ex mortuo ;

sive plenam vanitatem terræ

vides in pulveris nihilo,

Sepulti Vmbrae

Lucem precare perpetuam.

D. S. M.

STANISLAUS HERACLIVS
LUBOMIRSKI,

Magnorum Virorum Summus Apex.

S. R. I. PRINCEPS,

Heroum famæ augusta Coronis.

Supremus Regni Mareschalcus,

Senatorum Majestas & Jubar.

COMES in WISNICZ & JAROSLAW,

Gloriosa Orbis Historia:

Ruit, desinit, exstinguitur, tacet.

Da cor & oculos Polonia!

illud dolori, hos lachrymis!

Sol tuæ Aquilæ jam umbra est.

Cui per tenebras præli dum parentat

minima Scholarum Piarum Religio;

Primo voto se obligat:

coram DEO, Populo,


Aris, Orbe, Cælo,

Fundatoris & Mecænatis sui

æternum meminisse.










Biblioteka Jagiellońska

SIDR0019765






*Ita optimum quemq̃ niti & contendere decet, ut post se quoq̃
erationis scilicet justitiæq̃ monumentis.*



*ut non in unam a
s relinquant. Sen
tutibus, ut non p
tu, colamus. I
icola amavimus, q
in animis hominū
ultos veterū obli
posteritati narratus
uetur magnus vir, e
memoriam clarissim
nihil pertinebit po
olet, & frequentab
me, cū amicos sup
me victurum, non c
us inter felices curr
, Catonesq̃. Se
is ingenijs cara in co
grè has angustias fer
veti humana despice
tis magni preferre*



*E
vi
ap
D
tu
tu*